



Radunonza da vischnaunca

La proxima radunonza da vischnaunca ha liug mesjamna, ils 23 d'ost 2023 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-06-2023
4. Tractaziun ed approvaziun dalla revisiun parziala dalla constituiun communal (DC 010.000) per mauns dalla votaziun all'urna
5. Approvaziun dalla dissoluziun dalla Corporaziun schigentera solara da gliet Cadi (CSSC)
6. Tractaziun ed approvaziun dil credit brut da 300'000 francs per la planisaziun dall'ovra Resgia a Rabius
7. Orientaziuns
8. Varia

Dils acts tier la tractanda 4 sa vegnir priu investa sin canzlia communal ni sin la pagina d'internet www.sumvitg.ch.

Sumvitg, 28-07-2023

Suprastonza communal

Fiasta d'emprem d'ost a Laus/Hettas

La fiasta d'emprem uost vegn menada atras uonn ils 1 d'ost 2023 a Laus/Hettas.

- la fiasta entscheiva allas 18.00 uras.
- il plaid festiv vegn tenius allas 20.00 uras da nies president communal Patrick Schaniel. Cordialmein envida

La Caldera – Cumpadials e la vischnaunca da Sumvitg

Scamond da far fiug absolut

Muort il prighel da fiug vala in scamond absolut da far fiug en vischnaunca Sumvitg.

Scumandau eis ei

- da far fiug el liber,
- da far fiug en fueinas ordeifer il territori habitau
- ed igl envidar fiugs artificials sco per exempel rachetas d'emprem d'ost.

Tenor prognosa dall'aura actuala vala il scamond era d'emprem d'ost. Havess la situaziun da semidar vegn informau sin la pagina d'internet www.sumvitg.ch.

Nus supplichein da risguardar il scamond. Per damondas stat l'administraziun communal bugen a Vossa disposiziun.

Sumvitg, 28-07-2023

Suprastonza communal

Scamond d'encurir bulius

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 28-07-2023

Suprastonza communal

Revisiun planisaziun locala

En sia seduta dils 10-07-2023 ha la suprastonza communal approbau la revisiun dalla planisaziun locala per mauns dalla preexaminaziun. Consequentamein ei la revisiun dalla planisaziun locala vegnida inoltrada ils 31-07-2023 sin fundament digl art. 12 dall'ordinaziun davart la planisaziun dil territori (OPTGR) agl uffeci per svilup dil territori per la preexaminaziun.

En rama dalla revisiun dalla planisaziun locala vegnan ils instruments da planisaziun dil territori habitau adattai. Il plan da zonas e la lescha da baghegiar vegnan en quei connex adattai e surluvrai cumpletamein.

Duront la fasa transitorica respectivamein aschiditg che la revisiun ei tier igl uffeci per svilup dil territori en preexaminaziun valan en emprema lingia:

- ils plans da zonas revedi e
- la lescha da baghegiar actuala (veglia).

Quels documents sesanflan sin la pagina d'internet www.sumvitg.ch.

Per zonas las qualas ei maunca determinaziuns ella lescha da baghegiar veglia (d.a. zona per habitaziuns da personal, zona per habitaziuns secundaras commercialisadas turisticamein/zona resort, zona da habitar 3) valan las determinaziuns dalla lescha da baghegiar nova. Sin damonda tarmetta l'administraziun communal a Vus la lescha da baghegiar nova.

Nus supplichein da s'annunziar tier l'administraziun communal tier damondas ed engraziein per Vossa capientscha.

Fenadur 2023

Suprastonza communal Sumvitg

Administraziun communal

L'administraziun communal resta serrada naven da **venderdis, ils 28 da fenadur 2023 allas 17.00 uras entochen mesjamna, ils 2 d'uost 2023 allas 08.00 uras**. Bien engraziament per Vossa capientscha.

Sumvitg, 28-07-2023

Administraziun communal

Ovra hidraulica Cumpadials – lingia da pressiun e nova lingia d'aua en Via Foppa

Muort la construcziun dalla lingia da pressiun dall'ovra hidraulica Cumpadials ed ina nova lingia pil provediment d'aua da Cumpadials vegn la Via Foppa serrada per tut il traffic naven dils 16-08-2023 entochen circa ils 22-09-2023. Per ils vischins dil quartier Foppa vegn mess a disposiziun duront il temps da construcziun in parcadi sper la Via Camon. Per damondas stat Walter Deplazes dil biro d'inschignier Deplazes (tel. 081 943 25 60) a disposiziun.

Sumvitg, 28-07-2023

Departament traffic

Nies Surrein

Igl **1 d'uost** fagein ina fiastetta el curtin d'uaul. Sentupada naven dallas 16.00. Indigens e tuts amitgs da Surrein ein beinvegni. Quella fiastetta ha liug sche l'aura ei schetga. In VIVA sin la Svizra. In VIVA sin Nies Surrein

Preavis:

Sentupada cun grillada, per in e scadin

Ils 12 d'uost a partir dallas 17.30 envida Rabius anavon tier ina sentupada cun grillada sin il plaz scola. En cass da malaura vegn la sentupada spustada sils 9 da settember. Gia oz selegra la suprastonza da Rabius anavon sin ina biala sentupada cun vus tuts. Per Rabius anavon, *la suprastonza*

Fiasta a Cumpadials

Sonda, ils 19 d'uost 2023 organisescha l'uniun da dunnas VINAVON ensemen cun l'uniun da cultura e sport la fiasta a Cumpadials. La fiasta entscheiva allas 11.00 cun ina fiera ord la valischa. Il special ei, che la rauba da vendita sto haver plaz en ina valischa. Per il culinaric vegn procurau cun uustria, grill e pulenta sil fiug. Naven dallas 19.00 arva la bar. Nus envidein cordialmein in e scadin da sentupar e da star da cuminonza e selegrein d'entupar massa hosps e vischins.

Ti has gust da prender part alla fiera ord la valischa sco mercadont/a? Entochen ils 12-8-2023 sas ti s'annunziar tier l'uniun da dunnas VINAVON. Ulteriuras informaziuns anflas ti sut www.dunnasvinavon.ch. *Uniun da cultura e sport Cumpadials*